



Gaeb'aeu Vuenyungz

捕捉幸福

O, gou rox lo, vuenyungz gizsaed gizgiz cungj miz, raeuz aeu yungh sim bae gaeb'aeu.

Mwngz dwg mbouj dwg sawq iet ok gaiqfwngz, bae gaeb'aeu duz-mbungqmbaj mbinfifi haenx? Dang doiq fwed caijsaek gyaundeide dingz youq byai mbawnywj, mwngz byaengq aenda cim dwk de, mbouj rox mbouj nyinh iet ok song fwngz, laeglemx coemj coh baihnaj, sikhaek gob lwgfwngz hwnj, angjfwngz roxnyinh bungq deng de lo. Hoeng, mwngz siujsim aj fajfwngz le, mbungqmbaj youh mbin deuz lo, cij louz roengz

mbawnywj miz di bidoengh haenx. Seizhaenx, vuenyungz gaeng deng raeuz ndaetndi gaebdawz lo.

Bienj bonj cozwvwnz swheij mwh it nienzgaep sij haenx, gou cimz daengz gij soemj, diemz, haemz, manh ndaw gwndaenj genjdanh haenx; ra daengz bonj cozwvwnz swheij mwh ngeih nienzgaep sij haenx, gou vih gij sijcoz suijbingz swheij ndaej daezsang gamjdaengz sim' angq; doeg-doeg gij cozwvwnz swheij mwh sam, sei, haj nienzgaep sij haenx, miz seiz gou couh nyaenx mbouj youq riuhaha hwnjdaej, laxlawz ndaw hagdangz

dou fatseng gvaq baenzlai goj mizyinx ha.

Ninz youq gwnz mbonq cwxcaih gou, gou nyienh' ei q baez youh baez dauqngex gij saeh gou caeuq baengzyoux ndei youq doxcaez haenx. Mwh haj nienzgaep, gou caeuq Dwngz Yijyangz, Yauz Yijdungz, Vangz Hanzhi, Lij Cinglinz youq ndaw hagdangz doxcaez mieng gvaq: Baengzyoux ndei miz fuk caemh yiengsoux, miz nanh caemh rapdawz! Mwh gou deng vunz hangz, Yauz Yijdungz cungj oknaj daeuj bang gou..... gou siengj dwk siengj dwk, raemxda vuenyungz couh lae mbouj dingz.

Gij roxnyinh vuenyungz geijlai gyaundeide ha, gij feihdauh vuenyungz gig daegbied bw. Yamqdin vuenyungz aeu yunghsim bae byaij, duzngauez vuenyungz aeu yunghsim bae gaeb-aeu!

(roek nienzgaep Yangz Linz)

Daxdaiq Geizheih

奇怪的姥姥

Gaxgonq saedceij gvaq ndaej mbouj ndei, daxdaiq gwn le haujlai haemz, ceiggaenh ranz gou vuenh ranz hung lo, ndigah daxboh daxmeh couh cieq daxdaiq haeuj singz daeuj yiengjufuk.

Ngamq hainduj, daxdaiq roxnyinh gijmaz cungj saensien, youq ndaej gig anyienz. Hoeng mbouj geij nanz, de couh hainduj bienq ndaej nyapsaeb saeb lo, cungj naeuz gizneix mbouj lumj lajmbanj ndei. Gou dingq le, ngeizvaeg raixcaix. Daxboh daxmeh sim'in daxdaiq, gijmaz saeh cungj mbouj hawj de guh, de couh ciengzciengz ngaenzngwd naengh youq naj aendensi. Youh gvaq duenh seizgan he, daxdaiq cungj naeuz ndang mbouj cwxcaih, de yawj hwnjbae cingsaenz gig ca, lumj baenz bingh naek nei. Daxboh daxmeh ganjgip daiq daxdaiq bae yihyen genjcaz, hix caz mbouj ok gijmaz bingh. Doeklaeng, daxdaiq caeuq daxboh daxmeh ngaeq bae ngaeq dauq le, dou cijndei buenx daxdaiq ma ranzcoj lajmbanj youq geij ngoenz.

Caen geizheih, daxdaiq baez ma daengz ranzcoj lajmbanj, couh lumj bienqbaenz boubvunz wng nei, baez haeuj ranz couh nyaengq neix nyaengq haenx lo. Ngoenz daihngaih, de caeuxcaeux couh hwnqdaej guh ngaizhaet, yienzhaeuh bae ndaw reih ranz bohnax bang guhhong. Najbyak daxdaiq conh ok baenz naed baenz naed hanh, hoeng gwnz naj de cungj dwg riunyumnyum. Gou gvensim dwk cam daxdaiq: "Daxdaiq, mwngz mbouj dwg mbouj cwxcaih ha? Mwngz gaej guh baeg lai bw!" Daxdaiq riu dwk doiq gou naeuz: "Lan huk, daxdaiq mbouj dwg boubvunz yiengjufuk, ciuh vunz nyaengq gvenq lo, youqndwi mbouj guh saeh cij ngaiz baenzbingh. Youq gizneix yienznaeuz nyaengq, hoeng gou roxnyinh cwxcaih lai lo."

Ai, daxdaiq caen dwg geizheih lo!

(sei q nienzgaep Anh Gingboz)

Gaujsi Gvaqlaeng

考试过后

Gou youq gwnz loh ma ranz ngaizngaiz ngednged byaij dwk, caiq hix mbouj lumj doenghbaez cuengqhag le buetbuet diuqdiuq lo, gijneix cungj ienq mbaw sigenj ndaw fwngz gou. 58 faen cingzcik daegbied coegda, lumj fagmid nei coeg haeuj aen' aek gou.

Ai, caen siengj sik soi q mbaw sigenj dwgcaengz neix bae, mbouj hawj daxboh daxmeh yawjraen. Mbouj ndaej bw, lauxsae heuh aeu hawj gyahcangz ciemcih bw. Aeu faensoq gaij bae, hix mbouj ndaej, daxboh daraeh haengjidingh yawj ndaej ok. Neix mbouj ndaej haenx mbouj ndaej, guenyaem duzyou simsienh simndei vaiq gouqgouq gou ba! Mboujnex caekhaex gou itdingh deng daxboh moeb gawh bae lo! Gou gvaqlaeng itdingh roengzrengz doegsaw, nyinh-caen guh cozyez, guh boub hagseng ndei ndeu! Hoeng guenyaem duzyou youq gizlawz ya, ngauez cungj mbouj raen ne.

"Yo, lwg neix ngoenzneix baenz-lawz unqnemnem lone? Dwg bingh la?" Daxmeh lumh aen' gyauej gou,



"mbouj miz saeh ha. Bae gwn haeux ba."

Seizneix, daxboh cingq yawj densi haenx baenq gyauej gvaqdaej naeuz: "Mwngz baez fanjciengz couh miz saeh. Naeuz, youh nyex maz hux lo? Mbouj nyexhux mwngz lwg neix couh mbouj an'onj."

Ai, dwg fuk mbouj dwg hux, dwg hux ndoj mbouj gvaq. Gou baez haeb heuj, laemxsim naeuz: "Gou baezneix gaujsi mbouj gizgwz! Gvaqlaeng gou itdingh ndeindei hagsib, ceng' aeu aeu ndaej cingzcik ndei!"

Yo, siengj mbouj daengz daxboh mbouj moeb gou, dauqfanj riu lo: "Mwngz lwg neix ngoenzneix gig ak bw, lij rox nyinh loek gonq. Ndei, couh yawj gij daidu mwngz neix, gou mbouj moeb mwngz. Mwngz aeu geiq ndaej gij vah mwngz gangj haenx. Bae gwn haeux ba."

Aensim gaenjged gou soeng roengzdaej lo, cungj suenq mbouj deng moeb lo. Ai, gvaqlaeng caen roengzrengz doegsaw cij ndaej lo, lwgsai gangj ok gij vah haenx couh lumj diuzding ding hwnj gaiqbenj bae, gou itdingh hawj daxboh yawjraen gou gangj vah suenqsoq, aeu cingzcik daezsang hwnjbae.

(roek nienzgaep Niuz Cang)

Gou Majhung Lo

我长大了

Gou itcig miz aen nyienhmuengh he, Muengh swheij majhung vaiqdi.

Ndenq hawj daxbuz. Daxbuz riunyumnyum naeuz: "Dahvanj majhung lo!"

Daxboh roengzban lo, gou ganjgip ndenq hwnj boi caz he. Daxboh lumh aen' gyauej gou naeuz: "Dahvanj majhung lo!"

Lauxsae umj dab cozyez he, Gou ganjgip cieq gvaqma. Lauxsae yawjawj gou le, Unqswnh riu lo.

Daxbuz cingq yawj densi, Gou swiq aen makbingzgoj he,

Gou guj, Lauxsae hix itdingh siengj naeuz:



"Dahvanj majhung lo!"

Gyoengqde cungj naeuz gou maj-hung lo, Yawjdaej gou caen majhung lo.

(sam nienzgaep Ciz Vanjvanj)